

Siunnersuummut nassuiaatit**Nassuiaatit nalinginnaasut****1. Aallaqqaasiineq**

Inatsisissatut siunnersuut sammisanik pingaarnernik pingasunik imaqarpoq, Naalakkersuisut tassani ilaatigut aningaasaqarnermi ingerlatsiviit annertunerusumik nalunaaruteqartussaataitaanissaannik aalajangersaanissamut piginnaatinneqarlutik. Paasissutissat ullumikkut paasissutissat nunani allani akileraartarnermut oqartussanut nalunaarutigineqartartutut paarlaatseqatigiissutigineqartassapput. Paarlatsigalugu Akileraartarnermut Aqutsisoqarfik nunanit allanit paasissutissanik assingusunik pissarsisassaaq. Paasissutissat nutaat, ullumilu tiguneqartartut, akileraartarnermi nakkutigininnermik pitsanngorsaapput.

Tamatuma saniatigut akunnermiliuttut aamma akileraartartut suliamut attuumassuteqartut (inatsisilerituut, kukkunersiuisartut il. il.) Akileraartarnermut Aqutsisoqarfimmut nunat akornanni aaqquissuussat pillugit nalunaaruteqartarnissaannut saqqummiisoqarpoq.

Oqaatsit aamma taakku marluk naapertuunissaasa qulakkeernissaa siunertaralugu § 68 a-p kalaallisuaa allanngortinneqarpoq.

2. Siunnersuummi immikkoortut pingaarnert

Inatsisissatut siunnersuut aningaasaqarnermi ingerlatsiviit aamma akunnermiliuttut akileraartartullu suliamut attuumassuteqartut nalunaaruteqartussaataitanerat pillugu malittarisassanik aalajangersaanissaq nutarterinissarlunniit siunertaralugit Naalakkersuisunut piginnaatitsissutinik marlunnik imaqarpoq. Naggasiullugu § 68 a naleqqussarneqarpoq, taamaalilluni aalajangersakkami kalaallisuaa danskisuuvalu naapertuutilerlutik.

2.1. Inatsisit atuuttut

Ilaatigut aningaasaqarnermi ingerlatsiviit aningaasaqarnikkut paasissutissat pillugit Akileraartarnermut Aqutsisoqarfimmut nalunaaruteqartarnissaat siunertaralugu pisussaaffiit arlallit akileraaruseriffik pillugu inatsimmi § 35 a-mi ilanngunneqarput. Naalakkersuisut aamma nalunaarutiginninnerit pillugit malittarisassanik sukumiinerusunik aalajangersaanissaanissamut piginnaatinneqarnerat ilanngunneqarpoq. Piginnaatitsissut taanna aningaasatigut kontonik nunanut allanut attuumassutilinnik kinaassutsimik uppersaasarneq nalunaaruteqartarnerlu pillugit Namminersorlutik Oqartussat nalunaarutaanni nr. 15, 24. Oktober 2019-imeersumi atuutilersinneqarput.

Akileraartarnermut Aqutsisoqarfik aningaasaqarnermi kontot pillugit paasissutissanik nunarsuarmi inatsisit atuutsinneqarfiini 80-init amerlanerusuni akileraaruserfinnut ukiut kingulliit arfinillit ingerlaneranni paarlaasseqateqartarpoq. Kalaallit Nunaanni aningaasaqarnermi ingerlatsiviit taamatut paarlaasseqatigiittarnissaq siunertaralugu inuit Kalaallit Nunaanniunngitsoq akileraartarnermut oqartussaaffinni allani suliamut attuumassuteqarsinnaasut pillugit aningaasaqarnermi kontot pillugit paasissutissanik Akileraartarnermut Aqutsisoqarfimmut nalunaaruteqartussaataapput. Pineqartut tasaanerupput kontot 31/12-imi nalingi aamma pissarsiat, aktianik tunisinerit annertuut imaluunniit kontomi aktianit isertitat allat ukiup ingerlanerani akilerneqartut assigiinngitsut.

Akunermiliuttut akileraartartullu suliamut attuumassuteqartut pillugit nalunaaruteqartarnermik aalajangersaaffiusunik malittarisassanik atuutilersitsisinnaaneq siunertaralugu Naalakkersuisunut piginnaatitsissut Aningaasarsianit akileraarutit pillugit Inatsisartut inatsisaanni § 66 a-mi atuutilersinneqarpoq. Inatsit eqqartuussissuserisut, kukkunersiuisut siunnersuisullu allat killeqarfiit akimorlugit aaqqissuussinerit pillugit paasissutissanik nalunaaruteqartussaataanerannut tunngavoq. Tamanna Naalakkersuisut ingerlatsivinnik akileraartarnermik sakkortuumik pilersaarusiernerannut atatillugu paasinnissinnaanerannut misissuisinnaanerannullu iluaqutaasinnaavoq.

§ 68, imm. 3 akileraaruserinermik ingerlatsineq pillugu Inatsisartut inatsisaata allanngortinnera pillugu Inatsisartut inatsisaanni nr. 65, 20. november 2023-meersumi kalaallisuuani ilanngunneqarpoq, immikkoortorli danskisuuani allaqqanngilaq.

2.2. Siunnersuutip imarisai

Aningaasaqarnermi kontonik nalunaaruteqarneq

Siunnersuutigineqarpoq, aningaasaqarnermi ingerlatsiviit aningaasaqarnermi paasissutissanik Akileraartarnermut Aqutsisoqarfimmut nalunaaruteqartarnerat pillugu § 35 a-mi pisussaaffinnik piginnaatitsinernillu arlalinnik allannguisoqassasoq. Allanguutit pingaartumik aningaasaqarnermi ingerlatsiviit sullitaminnit nammineq pilluni nalunaarutitik atuuttunik pissarsisimanissaannik kinguneqarput. Tassani Akileraartarnermut Aqutsisoqarfimmut nalunaaruteqarpata konto suna pineqarnersoq aamma nalunaarutigineqassaaq.

Ilimagineqarpoq allanguutit aningaasaqarnermi ingerlatsiviit nalunaaruteqartarnerat pillugu piumasaqaatinik nutaanik sukumiinerusumik erseqqissaaviumik aningaasatigut kontonik nunanut allanut attuumassutilinnik kinaassutsimik uppersaasarneq nalunaaruteqartarnerlu pillugit Namminersorlutik Oqartussat nalunaarutaata allanngortinneratigut atuutilersinneqassasut.

Allanguutit OECD-mi Nunarsuarmi Oqallittarfimmi Kalaallit Nunaata inatsisillu atuutsinneqarfiisa 150-init amerlanerusut aningaasaqarnermi ingerlatsivinnik nakkutilliinermut tunngatillugu nakkutilliinermi pitsaanerusumik pisariarfissaqarnissamik

isumaqatigiissuteqarfigisaanni suliamik ingerlatsineq innersuussutigalugu atuutilersinneqassapput.

Akunermiliuttut akileraartartullu suliamut attuumassuteqartut allat nalunaarutaat

Siunnersuutaavoq aamma akunermiliuttut akileraartartullu suliamut attuumassuteqartut allat nalunaaruteqartussaaitaanerannik erseqqissaaneq ilanngunneqassasoq, tamatuma kingorna nalunaaruteqartussaaitaassut sullitaasa akileraarutinik nalunaarsuiffimmi normuinik katersuisussaaitaassallutik. Kalaallit Nunaat eqqarsaatigalugu akileraarutinik nalunaarsuiffimmi normut tassaapput CPR-imi normut imaluunniit CVR-imi normut.

Inatsimmi oqaasertanik naqqiineq

§ 68, imm. 3 taassuma atuutilersinneqarnissaa siunertaanikuunngimmat inatsimmi kalaallisut oqaasertai atorunnaarsinneqarput.

3. Pisortanut aningaasatigut allaffissornikkullu kingunissai

Ilimagineqarpoq siunnersuut pisortanut aningaasatigut allaffissornikkullu kinguneqassanngitsoq.

4. Inuussutissarsiortunut aningaasatigut allaffissornikkullu kingunissai

Aningaasaqarnermi kontonik nalunaaruteqartarnerit pillugit allannguutit aningaasaqarnermi ingerlatsiviit it-mi allannguinerannik kinguneqassapput. Taamatuttaaq nunani allani arlalinni taamaalilluni Danmarkimi Savalimmiunit allannguisoqassaaq. Kalaallit Nunaanni aningaasaqarnermi ingerlatsivit marluk Danmarkimi it-mik pilersuisut atorpaat, taamaammat Naalakkersuisut paasinninnerat malillugu Kalaallit Nunaanni Danmarkimilu nalunaaruteqartarnermut piumasaqaatit naapertuunneranni Kalaallit Nunaanni aningaasaqarnermi ingerlatsiviit ineriartortitsinermi aningaasaqartuutiminnik aningaasaqarnermi ingerlatsivinnut allanut arlalinnut avitseqateqarnissaat qulakkeerneqarpoq. Naatsorsuutaavoq, nunatsinni aningaasaqarnermi ingerlatsiviit aningaasartuutigisinnaasai killeqassasut aamma aaqqiisummik immikkut nalimmassakkamik ineriartortitsinermit ingerlatsinermillu aningaasartuutinit annikinnerussalluni.

Akunermiliuttut akileraartartullu suliamut attuumassuteqartut pillugit nalunaaruteqartarnermut tunngatillugu akileraarutinik nalunaarsuinermi normut ilanngunneqarnissaat saniatigut aningaasartuuteqarnissamik kinguneqassanngitsoq ilimagineqarpoq.

Tamassuma saniatigut ilimagineqarpoq siunnersuut inuussutissarsiortunut aningaasaqarnermi kinguneqassanngitsoq.

5. Avatangiisinut, pinngortitamut innuttaasullu peqqissusiannut kinguneri

Ilimagineqarpoq siunnersuut avatangiisinut, pinngortitamut innuttaasullu peqqissusiannut kinguneqassanngitsoq.

6. Innuttaasunut kinguneri

Ilimagineqarpoq siunnersuut innuttaasunut kinguneqassanngitsoq.

7. Kinguneri annertuut allat

Siunnersuut allanik annertuunik kinguneqassanngilaq.

8. Oqartussanut kattuffinnullu il.il. tusarniaaneq

Inatsisissatut siunnersuummut missingiut piffissami 6. junimit 4. julimut 2025

Naalakkersuisut tusarniaanermut nittartagaanni tamanut tusarniutigineqarpoq:

Naalakkersuisut Siulittaasuata Naalakkersuisoqarfia, Inuussutissarsiornermut, Aatsitassanut, Nukissiutitut, Inatsisit Atuutsinneqarnerannut Naligiissitaanermullu Naalakkersuisoqarfik, Nunanut Allanut Ilisimatusarnermullu Naalakkersuisoqarfik, Aalisarnermut, Piniarnermut, Nunalerinnermut Imminullu Pilersornermut Naalakkersuisoqarfik, Isumaginninnermut, Suliffeqarnermut Nunamullu Namminermut Naalakkersuisoqarfik, Ilinniartitaanermut, Kulturemut, Timersornermut Ilageeqarnermullu Naalakkersuisoqarfik, Peqqissutsimut inunnnullu Innarluutilinnut Naalakkersuisoqarfik, Ineqarnermut, Attaveqaasersuutitut Isorliunerusunullu Naalakkersuisoqarfik, Meeqqanut, Inuusuttunut Ilaqutariinnullu Naalakkersuisoqarfik, Pinngortitamut, Avatangiisinullu Naalakkersuisoqarfik, SIK, Nuna Law, BDO, Deloitte, BK Revision, PWC Grønland, Nunatsinni Advokatit, Grønlands Revision, Sulisitsisut, GrønlandsBANKEN, Bankivik, SISA, NUSUKA, Kommuneqarfiit ataatsimoorlutik qarasaasiatigut suleqatigiiffiat, Avannaata Kommuniar, Kommuneqarfik Sermersooq, Kommune Qeqertalik, Qeqqata Kommuniar, Kommune Kujalleq, Inatsisartut Allattoqarfiat, Kalaallit Nunaata Radioa, Sermitsiaq AG, SFAI Grønland.

Siunnersuut oqartussanut, kattuffinnullu il.il. ukununga piffissami tassani tusarniutigineqarpoq:

Tusarniaanermi akissutit pisariaqartillugu ilanngunneqarput.

Tusarniaanermi allakkiaq pillugu ilanngussa 2 innersuunneqarpoq.

Siunnersuummi aalajangersakkanut ataasiakkaanut nassuiaatit

§ 1-imut

Nr. 1-imut

Naalakkersuisut akileraaruserinermik ingerlatsineq pillugu inatsimmi § 35 a, imm. 1, nr. 1 malillugu aningaasaqarnermik ingerlatsiviit pingaartumik inuit nakkutilliisut pillugit nalunaaruteqartarneq pillugu malittarisassanik aalajangersaasinnaapput.

Aalajangersakkap annertusineqarnissaa allannguutit kinguneraat, taamaalilluni allaqqassalluni Naalakkersuisut inuk taamatut nakkutiginnittoq kinaluunniit aamma pineqartup pineqartulluunniit immikkoortorta qarfirmi nakkutilliisuunermi sumik sunilluunniit suliaqarnerat pillugu paasissutissanik nalunaaruteqarnermi piumasaqaateqartoqarsinnaanera pillugu malittarisassanik aalajangersaasinnaasut.

Inuit nakkutilliisut sunik suliaqarnerannik nalunaarutit pillugit malittarisassat aningaasatigut kontonik nunanut allanut attuumassutilinnik kinaassutsimik uppersaasaarneq nalunaaruteqartarnerlu pillugit Namminersorlutik Oqartussat nalunaarutaannut (CRS pillugu nalunaarummut) ilanngunneqassapput.

Nr. 2-mut

Naalakkersuisut akileraaruserinermik ingerlatsineq pillugu inatsimmi § 35, imm. 1, nr. 1 malillugu aningaasaqarnermi ingerlatsiviit pingaartumik nammeneq pilluni nalunaarut pillugu nalunaaruteqartarnerat pillugu malittarisassanik aalajangersaasinnaapput.

Nalunaarutigineqartoq Nammineq pilluni atuuttumik nalunaaruteqartoqarnerseq kontolu ataatsimut kontonersaq taamaattoqarpallu kontomik ataatsimut piginnittut amerlassusaat pillugit paasissutissat nalunaarummi aamma ilanngunneqassasut malittarisassanik aalajangersaasinnaaneq allannguutissatut siunnersuutigineqartup kinguneraa. Nammineq pillugu nalunaarut tassunga atatillugu imatut paasineqassaaq, nalunaarut kontomik piginnittup aningaasaqarnermi ingerlatsivimmut nalunaaruteqartussaataasumut tunniussaa, ilaatigullu kontomik piginnittup nunami nunaqavissuunera aningaasaqarnermi ingerlatsivimmit nalunaaruteqartussaataasumit uppersaasineqarsinnaalluni.

Malittarisassat taakku CRS pillugu nalunaarummi taassuma allanngortinneratigut ilanngunneqassapput.

2. matuma kingorna immikkoortup aappaa pingajuanngorpoq.

Nr. 3-mut

Naalakkersuisut aningaasaqarnermik ingerlatsiviit pingaartumik kontot normui imaluunniit kontotaqanngippat tamatumunnga assingusunut siunertarlu pillugit nalunaaruteqartarnerat pillugu akileraaruserinermik ingerlatsineq pillugu inatsimmi § 35 a, imm. 1, nr. 2 malillugu malittarisassanik aalajangersaasinnaapput.

Naalakkersuisut kontop suunera pillugu paasissutissanik nalunaaruteqarnissaat pillugu malittarisassanik aamma aalajangersaasinnaanermik periarfissaqarnissaat allannguutissatut siunnersuutip kinguneraa. Tamassumani assersuutigalugu kontot ikisiffiit imaluunniit ingerlatsinermi konto il.il. pineqarsinnaassapput imaluunniit konto atuutereersoq nutaarluunniit pineqarsinnaalluni.

Malittarisassat taakku CRS pillugu nalunaarummi taassuma allanngortinneratigut ilanngunneqassapput.

Nr. 4-mut

Naalakkersuisut aningaasaqarnermut ingerlatsivinnit pingaartumik kontomut akiliutit ikineqartullu pillugit nalunaarutit pillugit malittarisassanik akileraaruserinermik ingerlatsineq pillugu inatsimmi § 35 a, imm.r 1, nr. 7 aalajangersaasinnaapput.

Siunnersuutigineqarpoq akileraaruserinermik ingerlatsineq pillugu inatsimmi § 35, imm. 1, nr. 7-imi oqaaseqatigiit aappaat ilanngunneqassasoq, taanna malillugu ” Nammineq pigisanit pigisat, inatsilerinermi aaqqissuussinermi aningaasaliinermi immikkoortortaqarfimmit pigineqartut eqqarsaatigalugit, inuup nalunaarutigineqartussaasup nammineq pigisanit pigisaqarnermigut inissisimanera imaluunniit inissisimaneri pillugit paasissutissat nalunaarummi aamma ilanngunneqarsinnaapput.” Aningaasaqarnermi ingerlatsiviit nammineq pigisanit aningaasaliinermi immikkoortortaqarfimmit (assersuutigalugu aningaasaateqarfimmit imaluunniit suliniaqatigiiffimmit) pigineqartunit pigisat pillugit nalunaarutigineqaraangamik annertunerusunik paasissutissiisassapput. Inuup nalunaarutigineqartut sunik sumik suliaqarsimanera sunilluunniit suliaqarsimanera paasissutissiisassapput – tassa inuk nalunaarutigineqartariaqarneranik kinguneqartumik qanoq iliorsimangersoq

Malittarisassat CRS pillugu nalunaarummi ilanngunneqassapput.

Nr. 5-imut

Naalakkersuisut akunnermiliuttut akileraartartullu suliamut attuumassuteqartut killeqarfiit akimorlugit aaqqissuussinert pillugit paasissutissanik ilisimasaminnik pigisaminnilluunniit Akileraartarnermut Aqutsisoqarfimmut nalunaaruteqartarnissaat pillugu akileraaruserinermik ingerlatsineq pillugu § 66 a malillugu malittarisassanik aalajangersaasinnaapput.

Naalakkersuisut nalunaaruteqartussaataitanermik malinnittussaannngitsutut nalunaartup taamaallaat sullitaminut tamanna pillugu nalunaaruteqarnissaa pillugu malittarisassanik aalajangersaasinnerat allannguutip kinguneqaa. Taamaalilluni akunnermiliuttup akileraartartullu suliamut attuumassuteqartup eqqartuussissuserisumit pineqartumut sullinneqanngitsup nalunaaruteqarnissaat pillugu malittarisassanik aalajangersaanissamut piginnaatitsisoqarunnaarpoq.

Nr. 6-imut

Naalakkersuisut akunnermiliuttut akileraartartullu suliamut attuumassuteqartut paasissutissanik nalunaaruteqarnissaat pillugu akileraaruserinermik ingerlatsineq pillugu inatsimmi § 66 a malillugu malittarisassanik aalajangersaasinnaapput.

Siunnersuutigineqarpoq Naalakkersuisut nalunaarutigineqartussaataasuni taakkunani nalunaarutigineqartussaasut akileraarutinik nalunaarsuivimmi normut pillugit paasissutissanik katersuinissaat pillugu piumasaqaatinik aalajangersaasinnaasut.

Nr. 7-imut

Kalaallisuumi maanna atuuttumi akileraaruserinermik ingerlatsineq pillugu inatsimmi § 36 a, imm. 3-mi allaqqavoq, imm. 1 akileraartussaataasooq § 36 b, imm. 4-mi ilaappat aamma atorneqassasooq innersuussutigineqarpoq.

Siunnersuutigineqarpoq akileraaruserinermik ingerlatsineq pillugu inatsit kalaallisuuani § 68, imm. 3-p atorunnaarsinneratigut, § 68 a oqaatsini marluusuni imarisai assigiilernissai.

§ 68 a, imm. 3, Inatsisartut inatsisaanni nr. 65, 20. november 2023-meersumi inatsimmik piareersaanermi danskisuaa peerneqaraluartoq kukkunikkut ilanngunneqarpoq, naak qallunaatuuani aalajangersagaq inatsisiliornermi nunguterneqaraluartoq.

Inatsit atuunnera atorunnaarsitsinermi allanngortinneqanngilaq.

§ 2-mut

Inatsit 1. januar 2026-mit atuutilissasooq siunnersuutigineqarpoq.

Ilanngussaq 1

Siunnersuut inatsimmut atuuttumut sanilliullugu	
<i>Oqaasertaliussaq atuuttoq</i>	<i>Siunnersuut</i>
	§ 1 Akileraaruserinermik ingerlatsineq pillugu Inatsisartut inatsisaanni nr. 11, 2. november 2006-imeersumit, tak. Namminersorlutik Oqartussat inatsimmut nalunaarutaat, Inatsisartut inatsisaatigut nr. 56, 25. november 2024-meersukkut kingusinnerusukkut allanngortinneqartumi imatut allannguisoqarpoq:
Kontoqartunut inatsisit malillugit inuttut isigineqartunut, inummik ataatsimik inunnilluunniit arlaqartunik nakkutilliisoqartunut tunngatillugu aamma pineqartut tassaasinnaapput inuit nakkutilliisuusut kikkulluunniit pillugit paasissutissat taamaattut.	1 aamma 2. § 35 a, imm. 1, nr. 1, oqaaseqatigiit aappaat pingajuallu imatut oqaasertalerneqarpoq: “Nammineq pilluni atuuttumik nalunaaruteqartussaannermi konto ataatsimut kontonersoq taamaattoqarpallu kontomik ataatsimut piginnittut amerlassusaat pillugit paasissutissat nalunaarummi aamma ilanngunneqarsinnaapput. Kontomik piginnittut inuk nakkutiginnittoq ataaseq arlallilluunniit peqatigalugit immikkoortortasut eqqarsaatigalugit, inuk taamatut nakkutiginnittoq kinaluunniit aamma pineqartup immikkoortortaqarfimmi nakkutilliisuunermi sumik sunilluunniit suliaqarnera pillugu nalunaaruteqartussaataitanermut aamma ilanngunneqarsinnaavoq.”
2) Kontup normua, kontulluunniit normua pigineqanngippat taassuma taamaaqataa alla siunertanut atussallugu naleqquttoq.	3. § 35 a, imm. 1, nr. 2 imatut oqaasertalerneqarpoq “2) Kontop suunera kontollu normua, imaluunniit kontotaqanngippat taakkununga assingusoq.”

	4. § 35 a, imm. 1, nr. 7-imi oqaaseqatigiit aappaattut ilanngunneqarpoq: “Nammineq pigisanit pigisat, inatsisilerinermi aaqqissuussinermi aningaasaliinermi immikkoortortaqarfimmit pigineqartut eqqarsaatigalugit, inuup nalunaarutigineqartussaasup nammineq pigisanit pigisaqarnermigut inissisimanera imaluunniit inissisimaneri pillugit paasissutissat nalunaarummi aamma ilanngunneqarsinnaapput.”
Tamatuma saniatigut akunnermiliuttoq oqaaseqatigiit siulliit malillugit malittarisassat atuutsinneqartut malillugit nalunaaruteqartussaataaniarnani qinnuteqartoq tamanna pillugu akunnermiliuttunut akileraartartunulluunniit attuumassuteqartunut allanut nalunaaruteqartassaq pillugu malittarisassanik Naalakkersuisut aalajangersaasinnaapput.	5. § 66 a, imm. 1-imi oqaaseqatigiit aappaat imatut oqaasertalerneqarpoq: “Naalakkersuisut akunnermiliuttup oqaaseqatigiit siulliat naapertorlugu nalunaaruteqartussaangitsutut nalunaartup sullitaminut tamanna pillugu nalunaaruteqarnissaa pillugu malittarisassanik aalajangersaasinnaapput.”
<i>Imm. 2.</i> Akileraartarnermut ingerlatsivik killeqarfiit akimorlugit aaqqissuussinermi, malittarisassat imm. 1 malillugu atulersinneqartut naapertorlugit nalunaarutigineqartumut qisuariangippat, imaluunniit akileraartarnermut ingerlatsivik qallunaanit, savalimmiormiormiut imaluunniit nunani allani oqartussanit paasissutissanik pissarsisimaguni, tamanna aaqqissuussinerup atortussaananerani imaluunniit aaqqissuussinerup taassuma akileraartarnikkut suliarineqarsimaneranik akuersinermik tamanna nassataqanngilaq	6. § 66 a, imm. 1-ip kingorna imm. 2 nutaaq ilanngunneqarpoq: “<i>Imm. 2.</i> Naalakkersuisut akunnermiliuttut akileraartartullu suliamut attuumassuteqartut nalunaarutigisassamik akileraarutiniq nalunaarsuineri normut pillugit paasissutissanik katersuinissaat pillugu malittarisassanik aalajangersaasinnaapput.. <i>Imm. 3.</i> Akileraartarnermut ingerlatsivik killeqarfiit akimorlugit aaqqissuussinermi, malittarisassat imm. 1 malillugu atulersinneqartut naapertorlugit nalunaarutigineqartumut qisuariangippat, imaluunniit akileraartarnermut ingerlatsivik qallunaanit, savalimmiormiormiut imaluunniit nunani allani oqartussanit paasissutissanik pissarsisimaguni, tamanna aaqqissuussinerup atortussaananerani imaluunniit aaqqissuussinerup taassuma akileraartarnikkut suliarineqarsimaneranik akuersinermik tamanna nassataqanngilaq.”
Kalaallisuaa: § 68 a. ... <i>Imm. 3.</i> Imm. 1 aammattaaq atuutissaaq akilerartussaataasooq aningaasarsianit	7. § 68 a, imm. 3 atorunnaarpoq.

akileraarusiisarneq pillugu Inatsisartut inatsisaanni § 36 b, imm. 4 ilaatinneqartillugu.”	
	§ 2 Inatsisartut inatsisaat ulloq 1. januar 2026 atuutilissaaq.

Tusarniaanermut allakkiaq

Siunnersuut 6. juni 2025-mit 4. juli 2025-mut tamanut tusarniaassutigineqarpoq.

Siunnersuut ukununga toqqaannaq nassiunneqarpoq:

Naalakkersuisut Siulittaasuata Naalakkersuisoqarfia, Inuussutissarsiornermut, Aatsitassanut, Nukissiutitut, Inatsisit Atuutsinneqarnerannut Naligiissitaanermullu Naalakkersuisoqarfik, Nunanut Allanut Ilisimatusarnermullu Naalakkersuisoqarfik, Aalisarnermut, Piniarnermut, Nunalerinermut Imminullu Pilersornermut Naalakkersuisoqarfik, Isumaginninnermut, Suliffeqarnermut Nunamullu Namminermut Naalakkersuisoqarfik, Ilinniartitaanermut, Kulturemut, Timersornermut Ilageeqarnermullu Naalakkersuisoqarfik, Peqqissutsimut inunnullu Innarluutilinnut Naalakkersuisoqarfik, Ineqarnermut, Attaveqaasersuutitut Isorliunerusunullu Naalakkersuisoqarfik, Meeqqanut, Inuusuttunut Ilaqutariinnullu Naalakkersuisoqarfik, Pinngortitamut, Avatangiisinullu Naalakkersuisoqarfik, SIK, Nuna Law, BDO, Deloitte, BK Revision, PWC Grønland, Nunatsinni Advokatit, Grønlands Revision, Sulisitsisut, GrønlandsBANKEN, Bankivik, SISA, NUSUKA, Kommuneqarfiit ataatsimoorlutik qarasaasiatigut suleqatigiiffiat, Avannaata Kommunian, Kommuneqarfik Sermersooq, Kommune Qeqertalik, Qeqqata Kommunian, Kommune Kujalleq, Inatsisartut Allattoqarfiat, Kalaallit Nunaata Radioa, Sermitsiaq AG, SFAI Grønland.

Tusarniaanermut uku akissuteqarput:

Kalaallit Nunaata Radioa, Meeqqanut, Inuusuttunut Ilaqutariinnullu Naalakkersuisoqarfik, SISA Pension, Pinngortitamut, Avatangiisinullu Naalakkersuisoqarfik, Bankivik, Isumaginninnermut, Suliffeqarnermut Nunamullu Namminermut Naalakkersuisoqarfik, Sulisitsisut.

Tusarniaaffigisat tulluittut ilanngussassaqaanngillat:

Kalaallit Nunaata Radioa, Meeqqanut, Inuusuttunut Ilaqutariinnullu Naalakkersuisoqarfik, SISA Pension, Pinngortitamut, Avatangiisinullu Naalakkersuisoqarfik, Isumaginninnermut, Suliffeqarnermut Nunamullu Namminermut Naalakkersuisoqarfik, SIK.

Bankivik ima allappoq:

“Bankivik inatsit nutaanut ilanngussassaqaanngilaq, pingaaruteqarluinnarporli, inatsimmut tunngaviit Danmarkimit aamma Savalimmiunit nalunaarummik sioqqutsilluni allannguissatut atorneqassanngitsoq. Tamanna pingaaruteqarpoq, tassami paasissutissat nutaat taakku nalunaarutigisinnaannginnatsigit, tamannalu aatsaat it-mi sullissisutta aaqqissugaanikkut allannguutit inerisarpagit aamma atuutilersippagit pisinnaassammat.”

Sulisitsisut ima allappoq:

“Inatsisissatut siunnersuummi allaqqavoq tamanna 1. januar 2026-mi atuutilissasoq. Inatsisissatut siunnersuut oktober-novemberimi siusinnerusukkut akuersissutigineqartussaammat, atuutilersitsineq 1. juli 2026-mut nuunneqarnissaa eqqarsaatigineqarsinnaavoq, taamaasilluni nalunaaruteqartussaanerit aallartinnginneranni it-mi aaqqissugaanerit pisariaqartut piareeriissammata.”

Aningaasaqarnermut Akileraartarnermullu Naalakkersuisoqarfiup oqaaseqaatai:

Aningaasaqarnermut Akileraartarnermullu Naalakkersuisoqarfiup tamanna ilisimareerpaa, tamatuminngalu Danmarkimut Savalimmiunullu atuutilersitsineq naaqqittussaallugu, taamaasilluni atuutilersitsineq Danmarkimit Savalimmiunillu kingusinnerusumik pissanngimmat, tamannami aningaaserivinnut nalunaaruteqartussaataitaasunut ajornartorsiortitsilersinnaammat.

Atuutilersitsiffissaq 1. januar 2026-ugaluartoq, paasissutissanik paarlaateqatigiinneq siulleg 1. maj 2026-mi aatsaat pissaaq. Aningaasaqarnermut Akileraartarnermullu Naalakkersuisoqarfiup, naleqqussaanissaq siunertaralugu, Savalimmiuni Danmarkimilu atuutilersitsineq malinnaaffigissavaa.

Oqaaseqaatit allannguissamik kinguneqanngillat.

Sulisitsisut ima allappoq:

“Inuussutissarsiortunut aningaasaqarnikkut allaffissornikkullu kingunerisassat ima inissisimarpasippit, IT-mik aaqqissuussamut akiligassaq aningaasanik ingerlatsisut allat peqatigalugit avinneqarsinnaasoq. Isumaq tamanna taparserneqartariaqarpoq, akiligassarli allanit akilernerqanngippat aningaasaqarnikkut kingunerisassat allatut iliuuseqarluni aamma nalileqqinneqarsinnaassapput.”

Aningaasaqarnermut Akileraartarnermullu Naalakkersuisoqarfiup oqaaseqaatai:

Aningaasaqarnermut Akileraartarnermullu Naalakkersuisoqarfiup ilisimavaa, nunatsinni aningaasanik ingerlatsisut nalunaartussaataitaasut BEC aamma SDC aaqqissuussinikkut maannakkut nalunaarutinit atortarai. Tamanna ima erseqqissaatigiffigineqassaaq, aningaasanik ingerlatsisut Akileraartarnermut Aqutsisoqarfimmut nalunaarutinit tunniussereertartut siunnersuutillu paasissutissanik allattuinnermut ingerlatsisoqareerluni. Taamaammat manna siunnersuut, aningaasanik ingerlatsisut nalunaarutinit allattukkat pigeriigai tunngavigalugit ingerlaannartumik nalunaaruteqartussaataitanermut pisussaaffik nutaajuinnaarpoq.

Oqaaseqaatit allannguissamik kinguneqanngillat.